

## Duli Yang Maha Mulia Seri Paduka Baginda Yang di-Pertuan Agong

Duli Yang Maha Mulia Raja Perlis, Raja Syed Putra ibni Almarhum Syed Hassan Jamalullail telah dipilih menjadi Ketua Negara Persekutuan Tanah Melayu yang baharu, pada hari Rabu<sup>1</sup>, 30 haribulan Rabiul Awal 1380, (21 September 1960) yang lalu.

Baginda telah dipilih oleh Raja-Raja Melayu dalam satu persidangan khas, di Istana Negara, Kuala Lumpur.

Duli Yang Maha Mulia Sultan Terengganu, Sultan Ismail Nasiruddin Shah ibni Almarhum Sultan Zainal Abidin telah dilantik menjadi Timbalan Yang di-Pertuan Agong.

Dalam upacara mengangkat sumpah pada hari itu, Seri Paduka Baginda telah berikrar akan taat setia menjalankan pemerintahan negara dengan adil dan memelihara serta mengawal agama Islam.



Raja Syed Putra ibni Almarhum Syed Hassan Jamalullail telah dilahirkan di bandar Arau, Perlis, pada 25 haribulan November 1920. Baginda telah ditabalkan menjadi Raja Perlis pada 4 haribulan Disember 1945, dan telah dipilih menjadi Timbalan Yang di-Pertuan Agong pada 14 haribulan April 1960.

Mendapat pelajaran di Sekolah Melayu dan kemudian melanjutkan pelajarannya di Sekolah Inggeris, Penang Free School, Pulau Pinang. Dalam tahun 1938 telah dipilih menjadi bakal raja (semasa baginda masih berkesekolah<sup>2</sup>)

dan pada tahun 1939 baginda terpaksa berhenti sekolah apabila pecah Perang Dunia yang kedua.

Dalam perkhidmatan pertadbiran negeri, baginda bekerja di Mahkamah Kangar (Perlis) pada tahun 1940, kemudian ke Kuala Lumpur – Pejabat Tanah kemudian di Mahkamah Majistret. Dalam masa inilah baginda telah berkahwin dengan Tengku Budriah binti Tengku Ismail, cucunda al-Marhum Sultan Abdul Kadir, Sultan Negeri Patani yang akhir sekali.

Raja Permaisuri Agong terkenal sebagai seorang

<sup>1</sup> Ejaan asal Rabu<sup>c</sup>, namun dalam konteks ayat ini sepatutnya Rabu

<sup>2</sup> Ejaan sebenar ialah bersekolah

Raja Perempuan yang sangat mengambil berat dalam kemajuan kaum ibu di Persekutuan Tanah Melayu. Berkelulusan dari Sekolah Inggeris, Ipoh.

Dalam zaman Jepun, Raja Syed Putra telah ditindas kedudukannya sebagai seorang bakal raja sehingga baginda terpaksa keluar lalu merantau ke negeri Kelantan dan membuka perniagaan, menjual kerbau lembu, antara sempadan Siam dan Pulau Pinang, sambil baginda bercucuk tanam dalam masa baginda bermastautin di Kelantan.

Tatkala bapa saudara baginda, Raja Perlis mangkat pada 1 Februari 1943 (dalam zaman Jepun), Jepun tidak mengakui hak baginda sebagai bakal raja. Jepun telah memilih Syed Hamzah (nenda saudara baginda) menjadi Raja Perlis.

Raja Syed Putra telah ditabalkan secara rasmi menjadi Raja Perlis pada 2 haribulan Mac 1949.

Baginda sangat mengambil berat tentang kemajuan rakyat baginda dan sangat-sangat dikasihi oleh rakyat.

Baginda seorang penggemar sukan, terutama tenis, dan banyak kali berangkat keluar negeri. Ke England (1951), ke Hong Kong dan Jepun (1954) dan ke Australia, New Zealand dan Indonesia (1956).

Dewan Negara dan Dewan Rakyat Persekutuan Tanah Melayu dengan sebulat suara telah mengucapkan tahniah kerana perlantikan baginda dan permaisuri baginda – menjadi Yang di-Pertuan Agong Persekutuan Tanah Melayu.



**Duli Yang Maha Mulia Sultan Sultan Ismail Nasiruddin**

**Shah ibni Almarhum Sultan Zainal Abidin, Sultan**

**Terengganu, Timbalan Yang di-Pertuan Agong.**

**Ditabalkan menjadi Sultan Terengganu pada 16**

**haribulan Disember 1945.**

**Menjadi pelatih dalam pertadbiran negeri, di**

**Terengganu**

**(1929), Penolong Pemungut Cukai Tanah (1934), Ahli**

**Undangan Negeri (Oktober 1934), Setiausaha Sulit**

**kepada D. Y. M Sultan Sulaiman (1937), Pendaftar**

**Mahkamah Tinggi (1940), majistret yang pertama, Terengganu**

**(1941), Penolong Setiausaha Kerajaan Terengganu (November 1941).**